

Informaziun dal Comun: riuniun cun la popolaziun en mercui, ai 05.11.2014 dales 20:00 tla ciasa dles uniuns J.B. Runcher a Badia. Düc i zitadins dl comun é dër bel invià a tó pert, cun osservaziuns y propostes!

Sac dla Caritas: recordesse da i dé jö en vëndres ai 07.11.2014 dales 15:00 inant čina en sabeda ai 08.11.2014 dales 10:00 sön plaza dl implant portamunt Piz La Ila. Sce adorés sac fosc präibel nia i fà plëgns.


Batadù dl KVW di paisc da La Ila, Badia y San Čiascian, en sabeda ai 08.11.2014 dales 14.00 a La Ila Scola Mesana. Por tó pert mëss almanco un di sugadusc ester iscrit al KVW. Da paié ite: 10 € por mëmbri dl KVW y por i atri 12 €. Info y prenotaziun pro Alma tel. 0471/847225.

TI Zënter Families Ergobando gnaral baié en mercui ai 05.11.2014 dales 10.00 dl tema "Portè nõsc pici mituns". Implö saràl ai 10.11.2014 dales 10 l'kurs de massaji por pici mituns da 1 a 6 mëisc cun l'insegnanta Martina Zingerle. Prenotesse čina ai 4.11.2014 pro Fiorella [339/6950036](tel:3396950036).

Le KVW da San Martin ves invièia al referat dl dotur Robert Craffonara "Vari y lascè var" en jöbia ai 06 de novëmber 2014 dales 20:00 tl Salf di Stödafüch a San Martin.

Le Raiun Sozial Val Badia lascia alsavèi che en lönesc 03.11.2014 scomëncia le pröm referat dal titul „Chinestetica“ cun Klara Leitner. Al gnarà dé consëis co fà por se scone le spiné y le corp cun i dër movimënc, canch'an fej le guern a čiasa a porsones. La sëra mët man dales 19.30 te Čiasa de Palsa a San Martin de Tor. Le cost é 5 € y prenotaziuns tol sö l'nr. tel.0474/524552 Düc é dër bel invià.


L'kurs por geniturs "Erziehung leichter und freudiger" con Roland Feichter, va inant ai 6, 20 de novëmber y 4 de dezëmber 2014, dales 9:00 - 11:30 a La Ila Cassa Raiffeisen. Al é inće la poscibilité por nöies partezipantes de tó pert. Info y prenotaziun pro Sandra tel. 3487821170



*Wir sind mitten im Leben
zum Sterben bestimmt,
was da steht, das wird fallen.
Der Herr gibt und nimmt.*

*Wir gehören für immer dem Herrn,
der uns liebt,
was auch soll uns geschehen?
Er nimmt und er gibt.*

*Wir sind mitten im Sterben
zum Leben bestimmt,
was da fällt, soll er stehen.
Er gibt, wenn er nimmt.*



Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 49

Edema: 02.11. - 09.11.2014

Vangele dla Dumënia che vëgn - XXXII dl ann „A“ (Mt. 25,1-13)

Te chël tēmp ti à Gejù cuntè ai discepui chësta parabola: Cun le règn dl cil saràra sciöche cun diesc jones che à tut sües löms y ti é jüdes adincuntra al nüc. Cinch de ères é dejacortes, y cinch é acortes. Les dejacortes s'à tut impara les löms, mo degun öre, les acortes indere à inće tut cun les löms öre ti bocà. Canche le nüc ne gnò dl alalungia nia, àres metü man dotes cantes da ciuché y s'à indormedi. Amesa nót àn aldi te n iade scraian dadalt: Al vëgn le nüc! Jidi adincuntra!

Dailò é les jones dotes lovades sö y à metü apost sües löms. Y les dejacortes ti à dit ales acortes: Desse de osc öre, zënza él nostes löms che se destöda. Mo les acortes ti à respognü: Dailò ne n'arjünjel no por nos, no por os; jide ma dai boteghiers y cumprëssun. Ciamò tratan ch'ares é sön tru da jì a cumprè l'öre, é gnü le nüc; les jones che é arjignades é jüdes impara tl salf da noza, y la porta é gnüda stlütta. Plü tert él inće gnü les atres jones y ares cherdâ: Signur, Signur, deuresse! Mo al ti à respognü: Amen, i ves diji: I ne ves conësci nia. Stede acorc! I ne conescëis no le dé, no l'ora.

Dé dles Animes



FUNZIUNS SACRES

02.11. DUMËNIA – DÉ dles ANIMES / Comemoraziun di defunç

- 10.00 Requiem por düc i morç dla Cüra y vijita te curta
18.00 por les animes dl Purgatore
†ti de Franz y Anna Rudiferia
ad int. fam. Pallua a S.Maria. don Milani y siur H.Videsott

04.11. Mertesc - S.Carlo Borromeo

- 19.30 †ti Herbert, Oskar Costa y †ti da Pransarores
†to Paul Irsara da Coz
por les animes dl purgatore

05.11. Mercui - *mëssa cun i scolars*

- 07.30 †ta Erna Dapunt -aniversar
†to Antonio Palumbo
en rengraziamënt a siur H.Videsott

06.11. Jöbia – S.Linert / *mëssa cun i crejimanç y studënc*

- 19.30 †to Albert Piccolruaz - aniversar
†ta Maria Rubatscher Anvidalfarei - aniversar
†ti Agnes y Pepe Pitscheider

07.11. Vëndres – prüm vëndres dl mëis

- 07.30 †to Milio Valentini de Col d'Anvi
†ti Paul, Afra y Rosina Declara
por les animes dl purgatore



08.11. Sabeda – S.Gottfried

- 16.00 Mëssa a Oies

09.11. XXXII.DUMËNIA dl Ann A - Dé de rengraz.dla racoiüda

FESTA de S.LINERT

- 09.00** Mëssa solena çiantada en onur de S.Linert
10.45 *Sfilada cun i çiauai y benedisciun*
18.00 †ti Paul, Tarina y Helga Valentin - aniversar
†ta Gerda Schulze Irsara
†ta Maria Pitscheider Valentin

En dumënia, festa de S.Linert, sarà la gran mëssa dales 09:00.

Dala VITA dla CÜRA



CONFESCIUNS por Gnissant

Chësta dumënia dé dles Animes, ele çiamò ocajiun da se confessè dales 8 ales 9 y dales 17 ales 18.



La proscima preparaziun al Bato sarà en sabeda, ai 15.11.2014 dales 15:00 ales 17:00 a S.Çiascian te calonia. Invià é i geniturs che à na picera creatüra da batié, y inçe i toç y les totes. Al é da se prenotè al nr. 0471/849372.



Recordun bel ségn che

la **festa dla Crejima** sarà ai 10.05.2014 y

la **festa dla Prüma Comuniun** ai 17.05.2014.

Ai 18.11.2014 sarà na **incuntada cun i geniturs di crejimanç** dl proscimo ann dales 20:00 te Çiasa Runcher a chëla che düc i geniturs é dër invià.

Implö foss i geniturs, i toç y les totes invià ai 08.11.2014 dales 14:00 te salf de calonia a Corvara a n referat de siur Sepl Granruaz söl tema: "*Es ist nicht gut Gott etwas zu schenken, was er nicht mag*" cun introduziun ales letöres dla festa.

L'**ADVËNT** é bel daimpró y al é da ponsè al "**Rorate**". Raprejentanc dles uniuns y grups, che arjigna ca la mëssa dl Rorate, é invià a gnì te calonia por fà fora la data de jiderada, y insciö inçe i cors o grups che se mët a disposiziun por çiantè y sonè.

Referat: l'Cunsèi de Cüra inviëia düc en jöbia, ai 06.11.2014 dales 20:00 te Çiasa Runcher al referat de siur Sepl Granruaz "*N picé capital: l'invidia ne ti consënt nia al malan le gran çialt dl infern*".

Festa de S.Martin te scolina: düc é dër bel invià en mertesc ai 11.11.2014 dales 17:00.

La Uniun dles Èles de Badia inviëia dütes ala *tradizionala çiafastagnada* en mercui, ai 12.11.2014 dales 19:30 tla pizzeria S.Leonardo. Gnide tröpes y prenotesse pro Maria al nr. 0471/839842.

Sprizen contra les coies: les *ciafëise* da chësc lünesc inant tl ambulatory a Pedraces dal lünesc ala jöbia dales 8:30 – 09:30 y 14:00 – 15:00.